

Ո Ր Ո Շ ՈՒ Մ 272/1/11
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«06» հունիսի 2022թ.

ք. Երևան

ՀՀ ՊԵԿ Արևմտյան մաքսատուն-վարչությունն, ի դեմս վարչության պետի Գարիկ Մինասյանի, ուսումնասիրելով Արտակ Արթուրի Ասատրյանի (անձնագիր՝ AU0291768, հասցե՝ ՀՀ, ք. Երևան, Նոր Նորքի 7գ., 472., բն. 5) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց՝

Արտակ Արթուրի Ասատրյանի անունով 09.05.2022թ. թիվ 05100033/090522/0017129 տարանցման հայտարարագրով ՀՀ է ներմուծվել 1 տեղ, 5,75կգ ընդհանուր քաշով և 1410000 ՀՀ դրամ արժողությամբ հեռախոսներ, սակայն խնդրո առարկա հեռախոսները և վերջինիս վերաբերյալ փաստաթղթերը թիվ 05100033/090522/0017129 տարանցման հայտարարագրում նշված ժամկետում՝ մինչև 13.05.2022թ-ը, չեն ներկայացվել մաքսային մարմնին:

Մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելու փաստի առթիվ 20.05.2022թ. կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 195-րդ հոդվածի հատկանիշներով, այն է՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը:

Ղեկավարվելով ՀՀ մաքսային օրենսգրքի 209-րդ հոդվածի 6-րդ մասով՝ մաքսային կանոնների խախտման վերաբերյալ արձանագրության երկրորդ օրինակը 20.05.2021թ. թիվ N /21.1/35399-2022 գրությամբ ներկայացվել է Արտակ Արթուրի Ասատրյանին:

Ղեկավարվելով ՀՀ Սահմանադրության 50-րդ հոդվածով, «Վարչարարության հիմունքների և վարչական վարույթի մասին» ՀՀ օրենքի 35-րդ հոդվածով և 38-րդ հոդվածի 1-ին մասով՝ նշված վարչական գործով 02.06.2022թ., ժամը 14:00-ին նշված վարչական գործով

հրավիրվել են լսումներ, որոնց վերաբերյալ Արտակ Արթուրի Ասատրյանը պատշաճ ծանուցվել է, սակայն չի ապահովել իր կամ իր ներկայացուցչի մասնակցությունը վարչական գործով լսումներին:

Եվրասիական տնտեսական միության մաքսային օրենսգրքի (այսուհետ՝ Օրենսգիրք) 151-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգի գործողությունն ավարտվում է ուղարկող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Նույն հոդվածի 3-րդ մասի համաձայն՝ «մաքսային տարանցում» մաքսային ընթացակարգի գործողությունն ավարտելու համար փոխադրողը կամ անդամ պետությունների՝ մաքսային կարգավորման վերաբերյալ օրենսդրությամբ նախատեսված լինելու դեպքում՝ «մաքսային տարանցում» մաքսային ընթացակարգով ձևակերպված ապրանքների հայտարարատուն պարտավոր է նշանակման մաքսային մարմին ներկայացնել տարանցման հայտարարագիրը, ինչպես նաև իր մոտ առկա այլ փաստաթղթեր:

Նույն հոդվածի 4-րդ մասի համաձայն՝ սույն հոդվածի 3-րդ կետով նախատեսված գործողությունները փոխադրողի անունից կարող են կատարվել այդ փոխադրողի հանձնարարությամբ գործող անձանց կողմից, եթե դա թույլատրվում է անդամ պետությունների՝ մաքսային կարգավորման վերաբերյալ օրենսդրությանը համապատասխան:

Օրենսգրքի 84-րդ հոդվածի 2-րդ կետի համաձայն՝ Հայտարարատուն պարտավոր է՝

1) կատարել ապրանքների մաքսային հայտարարագրում.

2) Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր.

3) ներկայացնել հայտարարագրվող ապրանքները՝ Օրենսգրքով նախատեսված դեպքերում կամ մաքսային մարմնի պահանջով.

4) վճարել մաքսային վճարները, հատուկ, հակազնագցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ Օրենսգրքին համապատասխան.

5) պահպանել մաքսային ընթացակարգին համապատասխան ապրանքների օգտագործման պայմանները կամ ապրանքների առանձին կատեգորիաների համար սահմանված այն պայմանները, որոնք, Օրենսգրքին համապատասխան, ենթակա չեն մաքսային ընթացակարգերով ձևակերպման.

6) կատարել Օրենսգրքով նախատեսված այլ պահանջներ:

Նույն հոդվածի 3-րդ կետի համաձայն՝ Հայտարարատուն, անդամ պետությունների օրենսդրությանը համապատասխան, պատասխանատվություն է կրում նույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ՀՀ մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է ՀՀ մաքսային օրենսդրությամբ և մաքսային ոլորտին առնչվող ՀՀ միջազգային պայմանագրերով ՀՀ մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելն առաջացնում է տուգանքի նշանակում՝ 100,000 դրամի չափով:

Սույն գործի փաստական հանգամանքների և կիրառման ենթակա իրավական նորմերի համադրված վերլուծությունը փաստում է, որ Արտակ Արթուրի Ասատրյանը սահմանված ժամկետում խնդրո առարկա հեռախոսները և ուղեկցող փաստաթղթերը չի հասցրել մաքսային մարմնին, ինչը հանգեցրել է վերջինիս կողմից ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտման:

Հիմք ընդունելով վերոգրյալը և ղեկավարվելով ՀՀ մաքսային օրենսգրքի 206-րդ հոդվածով, 221-րդ հոդվածի 1-ին մասի «ա» ենթակետով և Վարչական իրավախախտումների վերաբերյալ ՀՀ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց՝

1. Արտակ Արթուրի Ասատրյանին ենթարկել վարչական պատասխանատվության ՀՀ մաքսային օրենսգրքի 195-րդ հոդվածով և նրա նկատմամբ նշանակել տուգանք **100000** ՀՀ դրամի չափով:


2. Որոշման մասին օրենքով սահմանված կարգով իրազեկել Արտակ Արթուրի Ասատրյանին:

3. Սույն որոշումը ՀՀ մաքսային օրենսգրքի 221-րդ հոդվածի 2-րդ մասի համաձայն՝ ուժի մեջ է մտնում կայացման պահից և ուժի մեջ մտնելուց հետո կարող է բողոքարկվել 10-օրյա ժամկետում վերադաս մաքսային մարմին կամ երկամսյա ժամկետում՝ ՀՀ վարչական դատարան:

Սույն որոշմամբ նշանակված տուգանքի վճարման հաշվեհամարներն է 900005024055 (ՀՀ պետական բյուջե, կենտրոնական գանձապետարան, Արևմտյան մաքսատն-վարչություն, ԿՈԴ 90):

ՀՀ ՊԵԿ ԱՐԵՎՄՏՅԱՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ԳԱՐԻԿ ՄԻՆԱՍՅԱՆ